



Broj: 06-1-07-1-1067/14
Sarajevo, 15.12.2014. godine

Na osnovu člana 2.9 stav (1) tačka 9, a u vezi sa članom 11.13 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10, 18/13 i 07/14), Centralna izborna komisija Bosne i Hercegovine je na 84. sjednici, održanoj 15.12.2014. godine, donijela

ODLUKU

o utvrđivanju rezultata posrednih izbora i dodjeli mandata delegatima u Vijeću naroda Republike Srpske iz reda bošnjačkog naroda

- (1) Centralna izborna komisija Bosne i Hercegovine utvrđuje rezultate posrednih izbora za Vijeće naroda Republike Srpske iz reda bošnjačkog naroda, kako slijedi:
 - a) Kandidatska lista **Ramić Edina**, osvojila je sedam (7) glasova - sedam (7) mandata i
 - b) Kandidatska lista **Jakupović Seada**, osvojila je jedan (1) glas - jedan (1) mandat.
- (2) Centralna izborna komisija Bosne i Hercegovine dodjeljuje mandate u Vijeću naroda Republike Srpske delegatima iz reda bošnjačkog naroda:
 - a) Čamdžija Kemo,
 - b) Hadžiomerović Mujo,
 - c) Salkić Kasim,
 - d) Hodžić Anita,
 - e) Baćevac Samir,
 - f) Hamzić Elvedin,
 - g) Ibrahimbegović Muhamed,
 - h) Suljkanović Enes.

O b r a z l o ž e n j e

Narodna skupština Republike Srpske je dana 10.12.2014. godine Centralnoj izornoj komisiji Bosne i Hercegovine dostavila akt broj: 02/4.01-1-1465/14 od 10.12.2014. godine, te u prilogu istog cjelokupan izborni materijal u vezi sa provedenim posrednim izborima za Vijeće naroda Republike Srpske, koji čine: Izvještaj o izboru delegata u Vijeće naroda Republike Srpske iz reda bošnjačkog naroda broj: 02/4.01-1-1460/14 od 10.12.2014. godine, Zapisnik sa sjednice Komisije za izbor i imenovanja za prebrojavanje glasova radi izbora delegata u Vijeće naroda Republike Srpske iz reda bošnjačkog naroda broj: 02/4.01.-1-1460-1/14 od 10.12.2014. godine, birački spisak za izbor delegata iz reda bošnjačkog naroda u Vijeće naroda Republike Srpske i glasački listići sa izbora delegata u Vijeće naroda Republike Srpske.

U skladu sa članom 11.10 stav (2) Izbornog zakona Bosne i Hercegovine, Vijeće naroda Republike Srpske sastoji se od 28 delegata, osam iz reda bošnjačkog, osam iz reda srpskog, osam iz reda hrvatskog i četiri iz reda ostalih.

Odredbama člana 11.12 stav (4) Izbornog zakona BiH propisano je da svaki poslanik u Narodnoj skupštini Republike Srpske jednom glasa za listu unutar svog kluba delegata.

U skladu sa članom 11.13 Izbornog zakona BiH, nakon provedenog tajnog glasanja, izborni materijal i rezultati glasanja saopštavaju se Centralnoj izbornoj komisiji BiH u svrhu konačne dodjele mjesta.

Mandati se, jedan po jedan, raspodjeljuju na liste ili kandidatima sa najvećim količnicima koji proizlaze iz formule proporcionalne zastupljenosti predviđene u članu 9.5 Izbornog zakona BiH. Kada jedna lista osvoji mandat, taj mandat se dodjeljuje sa vrha liste.


Uvidom u dostavljeni materijal u vezi sa provedenim posrednim izborima za Vijeće naroda Republike Srpske iz reda bošnjačkog naroda, utvrđeno je da je, od ukupno osam (8) poslanika koji su imali pravo glasa, svih osam (8) poslanika ostvarilo biračko pravo, od čega je osam (8) važećih i nijedan nevažeći glasački listić, te da su rezultati sljedeći:

- a) Kandidatska lista **Ramić Edina**, osvojila je **sedam (7) glasova** i
- b) Kandidatska lista **Jakupović Seada**, osvojila je **jedan (1) glas**.

Imajući u vidu da su ispunjeni svi zakonski uslovi za utvrđivanje rezultata izbora za delegate u Vijeću naroda Republike Srpske iz reda bošnjačkog naroda, Centralna izborna komisija Bosne i Hercegovine je u skladu sa članom 2.9 stav (1) tačka 9, a u vezi sa članom 11.13 Izbornog zakona Bosne i Hercegovine, odlučila kao u dispozitivu ove odluke.

Pravna pouka: Protiv ove odluke, u skladu sa članom 6.9 stav (1) i stav (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva (2) dana od dana prijema ove odluke, koju Centralna izborna komisija BiH dostavlja putem faks aparata.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.



Dostaviti:

- 1. Narodna skupština Republike Srpske
- 2. a/a